



Broj: 101-1-1868/26

Datum: 05.05.2026 godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-1760/26 od 30.4.2026. godine, rektorica Univerziteta „Džemal Bijedić“ u Mostaru donosi

### ODLUKU

#### **o izboru najpovoljnijeg ponuđača u postupku javne nabavke „Oprema za potrebe projekta Digitalna čitaonica za kulturu znanja“**

I

Prihvata se preporuka Komisije za javnu nabavku u postupku javne nabavke pod nazivom „Oprema za potrebe projekta Digitalna čitaonica za kulturu znanja“, broj: 170-1760/26 od 30.4.2026. godine i ugovor o nabavci robe u predmetnom postupku se dodjeljuje ponuđaču „NET“ d.o.o. Mostar“, Vukovarska 24, 88000 Mostar u skladu s ponudom broj: 03-055-26 od 22.04.2026. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od **7.400,00 KM bez PDV-a**.

III

Izabrani ponuđač je u ponudi dostavio dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 13. TD, te iste nije dužan ponovno dostavljati.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



### Obrazloženje

Odlukom broj: 101-1-1284/26 od 30.3.2026. godine pokrenut je postupak javne nabavke opreme za potrebe realizacije projekta „Digitalna čitaonica za kulturu znanja“, putem otvorenog postupka. Komisija za provođenje postupka javne nabavke opreme, imenovana je Odlukom broj: 101-1-1285/26 od 30.3.2026. godine.

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 8.200,00 KM. Obavještenje o nabavci broj: 66-1-1-65-3-29/26 objavljeno je na portalu javnih nabavki dana 1.4.2026. godine zajedno sa Tenderskom dokumentacijom broj: 101-1-1320/26.

U skladu sa Tenderskom dokumentacijom i obavještenjem o nabavci dana 22.4.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (22.4.2026. godine do 9:30 sati) zaprimljene su 4 (četiri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-1506/26	T.R. TECHNO-MEDIA Mostar	15.4.2026. u 14:20 h
2.	180-1550/26	NET D.O.O. Mostar	16.4.2026. u 13:05 h
3.	180-1588/26	NEUTRINO D.O.O. Tuzla	20.4.2026. u 10:00 h
4.	180-1607/26	INTER-COM d.o.o. Zenica	21.4.2026. u 9:08 h

Nakon izvršenog pregleda ponuda, Komisija je konstatovala sljedeće:

**Ponuda ponuđača „T.R. TECHNO-MEDIA“ Mostar je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.  
Ukupna cijena ponude iznosi 8.196,58 KM bez PDV-a. Ponuđač nije dao popust na cijenu.

**Ponuda ponuđača „NET“ d.o.o. Mostar je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.  
Ukupna cijena ponude iznosi 8.200,00 KM bez PDV-a. Ponuđač nije dao popust na cijenu.

**Ponuda ponuđača „NEUTRINO“ d.o.o. Tuzla je nepravilna** jer ne odgovara traženoj minimalnoj tehničkoj specifikaciji u pogledu stavke 3.  
Ponuđeni switch TP-Link switch 24-port Gigabit Omada L2+, Managed ne zadovoljava zahtjeve iz slijedećih razloga:

- Zahtjevom tenderske dokumentacije propisano je da ponuđeni switch mora podržavati upravljanje putem Aruba Instant On Portal platforme. Pregledom tehničkih specifikacija utvrđeno je da predloženi switch proizvođača TP-Link ne podržava navedeni portal, niti omogućava integraciju u Aruba Instant On cloud okruženje. S obzirom da je ovaj



zahtjev definisan kao obavezan, a njegova svrha je osiguranje centralizovanog cloud upravljanja i potpune kompatibilnosti sa postojećom mrežnom infrastrukturom zasnovanom na HPE Aruba rješenjima, konstatuje se da ponuđena oprema ne ispunjava predmetni tehnički uslov.

- Tenderskom dokumentacijom jasno je definisano da switch mora podržavati PoE napajanje minimalnog ukupnog budžeta od 190 W. Uvidom u dostavljene tehničke karakteristike utvrđeno je da ponuđeni switch ne posjeduje PoE funkcionalnost, odnosno ne omogućava napajanje krajnjih uređaja putem mrežnog kabla. Shodno navedenom, ponuđeni uređaj ne ispunjava traženi minimalni tehnički zahtjev u pogledu PoE kapaciteta.

Ponuđači su dužni, u skladu sa članom 57. stav 1) Zakona o javnim nabavkama BiH i tačkom 18. TD u predmetnom postupku, pridržavati se zahtjeva i uslova iz tenderske dokumentacije.

Na osnovu svega navedenog, komisija je konstatovala da je ponuda ponuđača „NEUTRINO“ d.o.o. nepravilna, te se odbacuje u skladu sa članom 68. stav (4) tačka i) Zakona o javnim nabavkama BiH.

**Ponuda ponuđača „INTER-COM“ d.o.o. Zenica je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 8.200,00 KM bez PDV-a. Ponuđač nije dao popust na cijenu.

Nije bilo osnova za ispravku računskih grešaka u kompletnim i prihvatljivim ponudama.

Tačkom 29. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 30.04.2026. godine, utvrđena konačna rang lista ponuđača kako slijedi:

1. „NET“ d.o.o. Mostar s ukupnom cijenom ponude u iznosu od 7.400,00 KM bez PDV-a,
2. „INTER-COM“ d.o.o. Zenica s ukupnom cijenom ponude u iznosu od 7.550,00 KM bez PDV-a,
3. T.R. TECHNO-MEDIA Mostar s ukupnom cijenom ponude u iznosu od 7.600,00 KM bez PDV-a.

Komisija za javnu nabavku jednoglasno daje preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci opreme, dodijeli ponuđaču „NET“ D.O.O. Mostar, sa ukupnom cijenom ponude u iznosu od 7.400,00 KM bez PDV-a.

Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.



Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Na osnovu svega navedenog, odlučeno je kao u dispozitivu ove odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

REKTORICA

prof. dr. Alena Huselbegović

**Dostaviti:**

1. T.R. TECHNO-MEDIA Mostar
2. NET d.o.o. Mostar
3. NEUTRINO d.o.o. Tuzla
4. INTER-COM d.o.o. Zenica
5. U predmet
6. a/a